

Gvangjsih Minzcuz Bau

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3353期

ganhhau: CN45-0036 B.2018 Nd.12 Ng.12 liggaeuq fouhswt nienz ndwenit corock

Gvangjsih Gak Cuz Gak Gyaiq Angq-hoh Swcigih Laebbaenz 60 Hopbi

Ndwen 12 ngoenz 10 banringz-gvaq, Aen Daihhoih Angqhoh Gvangjsih Bouxcuengh Swcigih Laebbaenz 60 Hopbi youq Aen Cungsim Dijyuz Gvangjsih banh. Cunghung Cunghyangh, Daengx Guek Yinzda Cangzveijvei, Gozvuyen, Daengx Guek Cwnghez, Cunghyangh Ginhveij fat hohdienh daeuj. Boux cangzveij Cunghung Cunghyangh Cwngcigiz, cujsiz Daengx Guek Cwnghez, donz-cangj daiyaujdonz cunghyangh Vangh Yangz camgya angqhoh daihhoih caemhcaiq gangjvah.

Seizdoeng Nanzningz lij dwg faex heuswdswd, va hai foenghfwd, daengx singz angqyangz dangqmaz, gizziz miz gij heiqfaenh ngoenzciet angqyangz. Daih' iek 2.2 fanh boux gak cuz gak gyaiq ganbu ginzung ndang daenj buhvaq moqsag, doxcomz youq Aen Cungsim Dijyuz Gvangjsih, caezcaemh angqhoh ngoenzciet hunghoengh neix.

Banringzgvaq 3 diemj cung, boux fusuhgi Swcigih Dangjveij, cujsiz Swcigih Cinz Vuj senhbu daihhoih hainduj. Youq mwh goguek goksasa, geiznding hajsing menhmenh swng hwnjdaej.

Boux vejyenz Cunghung Cunghyangh Cwngcigiz, fucunglij Gozvuyen, fudonzcangj daiyaujdonz cunghyangh Sunh Cunhlanz doeg gij hohdienh Cunghung Cunghyangh, Daengx Guek Yinzda Cangzveijvei, Gozvuyen, Daengx Guek Cwnghez, Cunghyangh Ginhveij gvendaengz angqhoh Gvangjsih Bouxcuengh



Swcigih laebbaenz 60 hopbi.

Youq mwh sing bekwngz nauhyied, Vangh Yangz hwnjdaiz gangjvah. De naeuz, aen Nanzningz baihnanz guekcoj bak va caez hai, biengzdeih Betgveiq vunz lai angqyangz. Gig sim' angq daiq gij daknaek Dangjuncunghyangh caeuq Siz Ginbingz cungsuhgi, daiq gij hohfuk lwgminz gak cuz daengx guek, caeuq lwgminz gak cuz Gvangjsih caezcaemh angqhoh swcigih laebbaenz 60 hopbi. Gou daiyauj Cunghung Cunghyangh, Daengx Guek Yinzda Cangzveijvei, Gozvuyen, Daengx Guek Cwnghez, Cunghyangh Ginhveij angqhoh Gvangjsih Bouxcuengh Swcigih, youq ngoenzciet neix cam-

ndei caeuq cuknyienh 5600 fanh ganbu ginzung gak cuz Gvangjsih!

Swcigih Dangjveij suhgi Luz Sinhse youq gwnz daihhoih gangjvah. De naeuz, 60 bi doxdaeuj, daegbied dwg daj Cibbet Daih aen dangj doxdaeuj, ndaej aen Dangjuncunghyangh aeu Siz Ginbingz dungzci guh haedsim akrem daiqlingx, lwgminz gak cuz daengx gih caez diemheiq, caemh minghyinh, sim doxlien, dawzneuz doxhang, caen lumj ranz vunz ndeu, doengzcaez doxgiet haengguh, doengzcaez mwnhoengh hwngfat, cau ok le cingzeik hungloet ndaej vunz haenh, ranghdieg Betgveiq bienq ndaej yied daeuj yied gyaunde. Raeuz gig rox daengz, cijmiz dingj-

maenh Cungguek Gungcanjdangj daiqlingx, dingjmaenh diuz roen sevei cujyi miz daegsaek Cungguek, dingjmaenh caeuq caezcienz aen cidu ranghdieg minzcuz gagguen, dingjmaenh couqmaenh gij eijsik caezcaemh aen Cunghvaz Minzcuz ndeu, cijndaej saedyienh Gvangjsih hwngfat baenaj, cijndaej saedyienh gak minzcuz doxgiet doxhuz, mboujduenh haicaux Gvangjsih daengzcog engqgya gyaunde.

Ginzung daiyauj Banh Gingbyauh, Ya Swcuh hix youq gwnz daihhoih fazyenz.

Riengzlaeng vunz lai yienjheiq 《Seizdaih Moq Haenqheiq Gvangjsih Moq Gyaunde.》. Biujyienj aeu "haijva coux baengzyoux" guh haidaeuz, faen baenz "gyaranz hung huzndei" "Gvangjsih moq gyaunde" "seizdaih moq haenqheiq" 3 aen biencieng. Doeklaeng, daengx ciengz ciengq 《Ciengq Guekcoj》, hohfuk guekcoj hwng' vuengh fatdad, Gvangjsih ngoenzcog engqgya gyaunde.

Boux fudonzcangj daiyaujdonz cunghyangh Youz Genz, Bwzmaj-cizlinz, Maj Byauh, Bahdwzj, Myauz Vaz caeuq gyoengq cwngzyenz daiyaujdonz camgya daihhoih, boux fucijsiz Cib' it Gaiq Daengx Guek Cwnghez Lij Caucoz wngqiu camgya daihhoih.

(Sinhvazse gicej/ Yangz Veizhan Gyangh Siuh Cinz Singhsingh Gvangjsih Yizbau gicej/Vei Hwngz Dungj Vwnzfungh Cinz Yizcwz)

Youq Gwnz Daihhoih Angqhoh Gvangjsih Bouxcuengh Swcigih Laebbaenz 60 Hopbi Gangjvah

(2018 nienz 12 nyied 10 hauh, Nanzningz)

□ Vangh Yangz

Gyoengq dungzci, gyoengq baengzyoux:

Ngoenzneix, aen Nanzningz baihnanz guekcoj bak va caez hai, biengzdeih Betgveiq fanhcungq angqyangz. Gig sim' angq daiq gij daknaek Dangjuncunghyangh caeuq Siz Ginbingz cungsuhgi, daiq gij hohfuk

daengx guek gak cuz lwgminz, caeuq gak cuz lwgminz Guengsae caezcaemh angqhoh swcigih laebbaenz 60 hopbi. Gou daiyauj Cunghung Cunghyangh, Daengx Guek Yinzda Cangzveijvei, Gozvuyen, Daengx Guek Cwnghez, Cunghyangh Ginhveij angqhoh Gvangjsih Bouxcuengh

Swcigih, youq ngoenzciet neix camndei caeuq cuknyienh 5600 fanh gak cuz ganbu ginzung Guengsae!

Guengsae dwg fueng diegbauj baihnanz guekcoj, fanh bya sangngau, cien dah bonghlae, gingjsaek gyaunde, dieg ndei vunz gvai. Daj ciuhgeq

doxdaeuj, gak minzcuz caemh dingj benq mbwn ndeu, caemh raeq doengh naz ndeu, caemh gwn diuz raemxdah ndeu, caemh hwnq aen ranzmbanj ndeu, dajcauh ok lai saek lai yiengh vwnzva.

(bailhaj cienj banj daihngieih)